

厥陰在泉客勝則大關節不利內爲瘳強拘瘳外爲不便主勝則筋骨由併腰腹時痛

經筋篇曰足太陽之筋病脊反折項筋急肩不舉腋支缺盤中紐痛不可左右搖○足少陰之筋病主癰瘳及瘳在外者不能俛在內者不能仰故陽病者腰反折不能俛陰病者不能仰○經筋之病寒則反折筋急熱則筋弛縱不收陰痿不用陽急則反折陰急則俛不伸

繆刺論曰邪客於足太陽之絡令人拘攣背急引脇而痛骨空論曰腎脉爲病脊強反折

生氣通天論曰因於濕首如裹濕熱不攘大筋繃短小筋弛長
繃短爲拘弛長爲痿

經脉篇曰膀胱足太陽也是動則病衝頭痛目似脫項似拔脊
痛腰似折髀不可以曲膕如結踣如裂是爲踝厥是主筋所
生病者

氣厥論曰肺移熱於腎傳於柔瘕

診要經終論曰太陽之脉其終也戴眼反折瘕癰其色白絕汗
乃出出則死矣

六元正紀大論曰太陽所至爲寢汗瘕

熱病篇曰風瘧身反折先取足太陽及膈中及血絡出血中有寒取三里○熱病不可刺者有九九曰熱而瘧者死腰折瘵瘵齒噤齧也

厥論曰手陽明少陽厥逆發喉痺益腫瘵治主病者

論證 共六條

瘵之爲病卽內經之瘵病也以瘵作瘵蓋傳寫之誤耳其證則脊背反張頭搖口噤戴眼項強四肢拘急或見身熱足寒惡寒面赤之類皆是也

仲景曰太陽之病發熱無汗反惡寒者名曰剛瘵○太陽病發

熱汗出而不惡寒者名曰柔瘧○太陽病發熱脉沉而細者
名曰瘧爲難治○太陽病發汗太多因致瘧○風病下之則
瘧復發汗必拘急○瘧家雖身疼痛不可發汗汗出則瘧

陳無擇曰夫人之筋各隨經絡結束於身血氣內虛外爲風寒
濕熱之所中則瘧蓋風散氣故有汗而不惡寒曰柔瘧寒泣
血故無汗而惡寒口剛瘧原其所因多由血虛筋無所營故
邪得以襲之所以傷寒汗下過多與夫病瘧人及產後致斯
疾者槩可見矣診其脉皆沉伏弦緊但陽緩陰急則久久拘
攣陰緩陽急則反張強直二證各異不可不別

愚謂瘧之爲病強直反張病也其病在筋脉筋脉拘急所以反張其病在血液血液枯燥所以筋攣觀仲景曰太陽病發汗太多因致瘧風病下之則成瘧瘡家不可發汗汗之亦成瘧只此數言可見病瘧者多由誤治之壞證其虛其實可了然矣自仲景之後惟陳無擇能知所因曰多由亡血筋無所營因而成瘧則盡之矣但惜其言之既善而復有未善者曰血氣內虛外爲風寒濕熱所中則瘧斯言不無又誤若其所云則仍是風濕爲邪而虛反次之不知風隨汗散而既汗之後何復言風濕隨下行而既下之後何反致濕蓋誤汗者必傷

血液誤下者必傷真陰陰血受傷則血燥血燥則筋失所滋
筋失所滋則爲拘爲攣又張強直之病勢所必至又何待風
寒濕熱之相襲而後爲瘓耶且仲景所言言不當汗而汗也
不當下而下也汗下既誤卽因誤治而成瘓矣豈誤治之外
必再受邪而後成瘓無邪則無瘓哉此陳氏之言不惟失仲
景之意而反致後人疑惑用持兩端故凡今人之治此者未
有不以散風去濕爲事亦焉知血燥陰虛之證尚能堪此散
削否此不可不爲辨察故余列二子之論於前以資後學之

印證

一瘕證甚多而人多不識者在不明其故而鮮有察之者耳蓋凡以暴病而見反張戴眼口噤拘急之類皆瘕病也觀仲景以汗下爲言謂其誤治亡陰所以然也余因類推則常見有不因誤治而凡屬陰虛血少之輩不能養營筋脉以致搐攣僵仆者皆是此證如中風之有此者必以年力衰殘陰之敗也產婦之有此者必以去血過多衝任竭也瘡家之有此者必以血隨膿出營氣涸也小兒之有此者或以風熱傷陰遂爲急驚或以汗瀉亡陰遂爲慢驚凡此之類總屬陰虛之證蓋精血不虧則雖有邪干亦斷無筋脉拘急之病而病至堅

強其枯可知故治此者必當先以氣血爲主而邪甚者或兼
治邪若微邪者通不必治邪蓋此證之所急者在元氣元氣
復而血脉行則微邪自不能留何足慮哉奈何今人但見此
證必各分門類而悉從風治不知外感之風寒邪證也治宜
解散內生之風血燥證也止宜滋補矧此數者總由內證本
無外邪旣以傷精敗血枯燥而成而再治風痰難乎免矣故
余詳筆於此以明瘧證之要

一仲景言瘧止屬太陽而不及他經者何也蓋瘧必反張其病
在背背之經絡惟太陽腎脉耳言太陽則腎在其中矣此其

義也然仲景止言其表而未詳其裏考內經之經脈篇曰足少陰之脈貫脊屬腎其直者從腎上貫肝膈經筋篇曰足少陰之筋循脊內挾脊上至項結於枕骨與足太陽之筋合又曰足太陽之筋病脊反折項筋急足少陰之筋病主癰瘰及瘳陽病者腰反折不能俛陰病者不能仰由此觀之則瘳之爲病乃太陽少陰之病也蓋腎與膀胱爲表裏膀胱爲津液之府而腎爲藏精之藏病在二經水虧可知故治此者最當以真陰爲主

論治 共八條

一瘕證凡因汗因瀉者其氣必虛○微虛者宜三陰煎五福飲之類主之○大虛而脉見沉細陰勝者宜大營煎大補元煎十全大補湯之類主之

一瘕證多汗者宜三陰煎參歸湯人參建中湯主之○陽氣大虛汗出或亡陽者宜參附湯芪附湯大補元煎之類主之○若汗出兼火多熱燥者宜當歸六黃湯主之

一瘕因泄瀉者宜胃關煎溫胃飲之類主之○瀉止而瘕者宜大營煎五福飲之類主之

一瘕有兼火者必脉見洪滑證見煩熱宜一陰煎或加減一陰

煎主之○若火盛之甚以致陰血涸燥者不得不先去其火
宜清化飲保陰煎玉女煎之類主之

一瘥有表邪未解者當察其邪之微甚及證之陰陽○若身有
微熱脉不緊數者此微邪也只補正氣其邪自散宜五福飲
之類主之○若表邪未解陰虛無汗身熱者宜三柴胡飲四
柴胡飲補陰益氣煎之類主之○若陽氣大虛陰極畏寒邪
不能解而瘥者宜大溫中飲主之

一瘥有痰盛者不得不先清上焦○若火盛多痰者宜用清膈
煎抱龍丸○若多痰無火宜用六安煎○凡此證候多屬虛

痰虛火因其壅滯不得不暫爲清理但得痰氣稍開便當調理血氣

一小兒吐瀉及多汗之後○一婦人產後○一諸證大失血之後○一凡病中風及瘡毒潰膿之後皆有此證悉當依前法酌宜治之

一瘰癧有兼濕者當如王海藏治法詳見後條

述古 共二條

仲景治太陽之瘰身體強脈沉遲者用括葉桂枝湯取微汗○治剛瘰無汗者用葛根湯○治胸滿口噤臥不著席腳攣齧

齒者用大承氣湯○按此皆散逐實邪之法雖此證不多見然間或有之則亦不可不知

王海藏治剛瘕用神木湯加羌活獨活麻黃○治柔瘕用白朮湯加桂心黃芪

瘕證論列方

大營煎 新補十四

五福飲 新補六

參歸湯 補三九

參附湯 補三八

芪附湯 補四四

白朮湯 和二六

一陰煎 新補八

三陰煎 新補十一

保陰煎 新寒一

溫胃散 新熱五

胃關煎 新熱九

清化飲 新因十三

玉女煎 新寒十二

大補元煎 新補一

十全大補湯 補二十

五積散 散三九

大溫中飲 新散八

人參建中湯 補二六

清膈煎 新寒九

二柴胡飲 新散二

當歸六黃湯 寒六五

神木湯 和三九

三柴胡飲 新散三

補陰益氣煎 新補十六

六安煎 新和二

四柴胡飲 新散四

加減一陰煎 新補九

葛根湯 散二九

大承氣湯 攻一

括蕒桂枝湯 散十二

抱龍丸 小八五

論外備用方

防風當歸湯 和二四一
過汗反張

景岳全書卷之十二終

景岳全書卷之十三性集

會稽 張介賓 會卿著

會稽 魯 超 謙菴訂

瘟疫

經義

陰陽應象大論曰冬傷於寒春必溫病

金匱真言論曰夫精者身之本也故藏於精者春不病溫

熱論篇帝曰今夫熱病者皆傷寒之類也或愈或死其死皆以